



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod Općinskog suda Sarajevo, MBS 65-01-0419-11, JIB 4200088970001, Carinski broj 200088970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola: *05-1-25-1-1182-30/24*

JAVNO

DATUM: 20.08.2024. god.

PRIMALAC: NEXIS d.o.o. Sarajevo
FILT d.o.o. Sarajevo
VIZUM d.o.o. Visoko
PRUNUS d.o.o. Sarajevo

PREDMET: Obavijest o poništenju postupka nabavka robe: Filteri za klima komore

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14 i 59/22), obavještavamo vas da je, nakon okončane procedure prikupljanja ponuda za nabavku robe: Filteri za klima komore, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, poništen postupak nabavke.

S poštovanjem,



DOSTAVLJENO:

1. Ponuđačima
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dops. 1 (izdavanje)



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opci@sarajevo-airport.ba
WEB	www.sarajevo-airport.ba		

Alan Bajić

by and



UPRAVA	Strana: 1 od 2
Broj protokola: <i>05-1-25-1-1182-29/24</i>	JAVNO

Datum: 19.08.2024. godine

Na osnovu člana 70. Zakona o javnim nabavkama ("Sl. glasnik BiH", br. 39/2014, 59/2022 i 50/2024) i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke robe: Filteri za klima komore, broj: 05-3-25-1-1182-28/24 od 08.08.2024. godine, Uprava J.P. Međunarodni aerodrom "SARAJEVO" d.o.o. Sarajevo, na 234. sjednici, održanoj dana 19.08.2024. godine donosi

ODLUKU

I

Poništava se postupak nabavke robe: Filteri za klima komore, proveden metodom nabavke Konkurentski zahtjev za dostavu ponuda, jer nijedna od primljenih ponuda nije prihvatljiva.

II

J.P. Međunarodni aerodrom "SARAJEVO" d.o.o. Sarajevo će, nakon proteka rokova za reviziju, provesti novi postupak nabavke robe iz tačke I ove Odluke.

III

Komisija za provođenje ponovljenog postupka nabavke biće imenovana naknadno, posebnim rješenjem.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Filteri za klima komore, direktor J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) donio je Odluku o pokretanju postupka nabavke, broj: 05-1-25-1-1182-3/24, a Rješenjem broj: 05-1-25-1-1182-14/24, imenovao Komisiju za provođenje postupka.

Ovaj postupak poništen je Odlukom Društva broj: 05-1-25-1-1182-17/24 od 11.06.2024. god., jer zaprimljene ponude nisu bila prihvatljive, a tačkom II navedene Odluke utvrđeno je da će, nakon proteka rokova za reviziju, biti proveden novi postupak nabavke predmetne usluge.

U skladu sa navedenom Odlukom, Društvo je objavilo obavještenje o nabavci na portalu javnih nabavki, broj obavještenja: 246-7-1-513-3-160/24. Do ostavljenog roka za predaju ponuda, 16.07.2024. godine, na protokol Društva ponudu su dostavila četiri ponuđača, i to: NEXIS d.o.o. Sarajevo, FILT d.o.o. Sarajevo, VIZUM d.o.o. Visoko i PRUNUS d.o.o. Sarajevo

Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđena cijene koje su iznosile kako slijedi: NEXIS d.o.o. Sarajevo – 7.999,00 KM, FILT d.o.o. Sarajevo – 7.959,40 KM, VIZUM d.o.o. Visoko – 7.980,00 KM i PRUNUS d.o.o. Sarajevo – 7.957,00 KM. Nakon javnog otvaranja ponuda, Komisija se sastala radi detaljne analize ponuda, kojom prilikom je utvrđeno sljedeće:

1. NEXIS d.o.o. Sarajevo

Pregledom ponude Komisija je konstatovala da ponuđač nije dostavio digitalnu kopiju ponude na CD-u ili DVD-u, što nije u skladu sa tačkom 4.3 tenderske dokumentacije.

Također, potvrda o dobro izvršenom poslu koja je dostavljena nije odgovarajuća. Naime, Ugovorni organ je u tački 2.1 pod i) Tenderske dokumentacije od ponuđača zahtijevao da dostave potvrdu o dobro izvršenom poslu isporuke filtera za klima komore koji su predmet ove nabavke, dok je ponuđač dostavio potvrdu o dobro izvršenom ugovoru isporuke mašine i opreme za punjenje i održavanje auto klima, što nije u skladu sa odredbama Tenderske dokumentacije.

Dalje, u tački 2.1 pod h) Tenderske dokumentacije zahtijevano je da se uz ponudu dostavi tehnička dokumentacija za ponuđenu robu (katalozi, datasheets i slično) iz kojih se jasno vidi da roba koja se nudi ispunjava uslove iz ANEKS-a II, međutim ponuđač je samo dostavio ponudu sa navedenim nazivima ponuđenih artikala, što je protivno odredbama Tenderske dokumentacije.

2. FILT d.o.o. Sarajevo

Pregledom ponude komisija je konstatovala da ponuđač nije u potpunosti popunio Obrazac za ponudu – ANEKS I, tačnije, na stranici br. 10 ponude nije naveo popis dostavljenih dokumenata i Aneksa, sa nazivom istih, a što je zahtijevano Tenderskom dokumentacijom u tački 2.1 pod c).

Također, ponuđač nije u potpunosti popunio Nacrt ugovora, tačnije preambulu, što je zahtijevano TD u tački 2.1 pod g) „Popunjen (samo preambula je obavezna), potpisan i ovjeren Nacrt ugovora (ANEKS V);“, ponuđač nije upisao u rubriku kod kojeg suda je registrovan.

Dalje, tehnička dokumentacija za svu ponuđenu robu nije dostavljena na jednom od službenih jezika Bosne i Hercegovine ili na engleskom jeziku. Naime, ponuđač je za stavke 14-25 Obrasca za cijenu ponude – ANEKS II dostavio tehničku dokumentaciju na njemačkom jeziku, što je protivno tački 3. Tenderske dokumentacije i članu 12. stav (3) Zakona o javnim nabavkama Bosne i Hercegovine.

Vrsta dok.	Izdavač
ODL	05-1
Strana: 2 od 2	
JAVNO	

3. VIZUM d.o.o. Visoko

Pregledom ponude komisija je konstatovala da ponuđač nije dostavio tehničku dokumentaciju za svu ponuđenu robu na jednom od službenih jezika Bosne i Hercegovine ili na engleskom jeziku. Naime, ponuđač je za stavke 1-10 Obrasca za cijenu ponude – ANEKS II dostavio tehničku dokumentaciju na slovenačkom jeziku, što je protivno tački 3. Tenderske dokumentacije i članu 12. stav (3) Zakona o javnim nabavkama Bosne i Hercegovine.

4. PRUNUS d.o.o. Sarajevo

Pregledom ponude komisija je konstatovala da ponuđač nije u potpunosti popunio Obrazac za ponudu – ANEKS I, tačnije, na stranici br. 4 ponude nije naveo popis dostavljenih dokumenata i Aneksa, sa nazivom istih, što je zahtijevano Tenderskom dokumentacijom u tački 2.1 pod c).

Također, potvrda o dobro izvršenom poslu koja je dostavljena nije odgovarajuća. Naime, Ugovorni organ je u tački 2.1 pod i) Tenderske dokumentacije od ponuđača zahtijevao da dostave potvrdu o dobro izvršenom poslu isporuke filtera za klima komore za JEDAN ugovor ukupne vrijednosti ne manje od 5.000,00 KM bez PDV-a, dok su na dostavljenoj potvrdi navedena dva ugovora u ukupnoj vrijednosti od 9.923,00 KM bez PDV-a (u kojoj nije jasno navedena vrijednost pojedinačnih ugovora), što je protivno odredbama tenderske dokumentacije.

U skladu s tim, Komisija je u svom Izvještaju ka Upravi Društva predložila da se navedene ponude, na osnovu člana 68. stav (4) tačka i), a u vezi sa članom 57. stav (1) Zakona o javnim nabavkama, proglašene neprihvatljivim, te da se predmetni postupak nabavke poništi i ponovi istom metodom.

Uprava Društva je na svojoj 234. sjednici, održanoj dana 19.08.2024. god., razmotrila Izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 69. stav (2) tačka d) i člana 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. Sektoru razvoja, tehnike i standardizacije
5. a/a